



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-23-58637-12/25
Sarajevo, 27.01.2026. godine

KANTON SARAJEVO
SKUPŠTINA KANTONA SARAJEVO
- ovdje-
N/r Predsjedavajućeg Skupštine

PREDMET: ODGOVOR NA ZASTUPNIČKO PITANJE

Zastupnik Adi Kalem, na 28. radnoj sjednici Skupštine Kantona Sarajevo održanoj dana 29.12.2025. godine, a u skladu sa čl. 211. i 214. Poslovnika Skupštine Kantona Sarajevo ("Službene novine Kantona Sarajevo" - broj 41/12 – drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22 i 17/22-Ispravka i 47/24), uputio je zastupničko pitanje Ministarstvu saobraćaja Kantona Sarajevo.

Pitanje:

"Gdje je i šta konkretno radi Vijeće za sigurnost saobraćaja na cestama KS? Kada je Vijeće posljednji put zasjedalo, koje mjere i zaključke je donijelo i koji su konkretni rezultati vidljivi na terenu? Gdje je najavljena strategija o sigurnosti saobraćaja na cestama u KS "

Odgovor:

U vezi sa naprijed navedenim obavještavamo Vas da član 8. Zakona o uređenju saobraćaja na području Kantona Sarajevo („Službene novine Kantona Sarajevo“ , br. 30/2017, 46/2017 i 1/2022) propisuje da u cilju podsticanja preventivnih i drugih aktivnosti u oblasti sigurnosti saobraćaja na cestama u Kantonu i razvijanju saobraćajne kulture sudionika u saobraćaju, osniva se Vijeće kao savjetodavno tijelo Vlade Kantona Sarajevo, dok su članom 9. Zakona o uređenju saobraćaja na području Kantona Sarajevo („Službene novine Kantona Sarajevo“ , br. 30/2017, 46/2017 i 1/2022) propisani zadaci Vijeća i to: sudjelovanje u pripremi politika, strateških, planskih i programskih dokumenata iz oblasti sigurnosti saobraćaja na cestama, koordiniranje aktivnosti potrebnih za njihovu realizaciju, praćenje realizacije, priprema izvještajnih dokumenta iz oblasti sigurnosti saobraćaja na cestama, praćenje i analiziranje stanja u oblasti sigurnosti saobraćaja na cestama, predlaganje nadležnim tijelima i organizacijama mjera i aktivnosti koje je potrebno poduzeti s ciljem unapređenja sigurnosti saobraćaja na cestama, sudjelovanje u aktivnostima koje se provode s ciljem obrazovanja i informiranja javnosti i podizanja svijesti javnosti o značaju sigurnosti saobraćaja na cestama.



kao i u drugim aktivnostima i akcijama koje se provode s ciljem prevencije i unapređenja sigurnosti saobraćaja na cestama.


Nadalje, Vlada Kantona Sarajevo je dana 23.05.2024. godine donijela Rješenje o imenovanju članova Vijeća za sigurnost saobraćaja na cestama u Kantonu Sarajevo, broj: 02-04-29617-23.2/24. Od imenovanja članova Vijeća za sigurnost saobraćaja na cestama u Kantonu Sarajevo do danas održano je šest sjednica. Vijeće je posljednji put održalo sjednicu dana 17.12.2025. godine na kojoj su usvojena tri zaključka i to: Zaključak kojim se zadužuje podnositelac inicijative da pripremi prijedlog odgovora prema pomoćniku ministra za prijevoz Ministarstva saobraćaja Kantona Sarajevo, a u odnosu na akt broj 04-23-1906-3/25 od 12.11.2025. godine te isti dostavi tehničkom sekretaru i predsjedavajućem Vijeća koji će dokument finalizirati i uputiti naprijed navedenom pomoćniku. Drugi usvojeni zaključak jeste da se zadužuju predsjedavajući Vijeća i tehnički sekretar Vijeća da pripreme i upute poziv prema Općini Stari Grad Sarajevo i Općini Centar Sarajevo za prisustvo predstavnika ispred naprijed navedenih općina na narednoj sjednici Vijeća za sigurnost saobraćaja na cestama u Kantonu Sarajevo a u cilju uspostavljanja koordinacije općina i Vijeća. Treći usvojeni zaključak jeste da se zadužuju predsjedavajući Vijeća i tehnički sekretar Vijeća da pripreme i upute poziv, odnosno prijedlog Ministru unutrašnjih poslova Kantona Sarajevo i policijskom komesaru za održavanje sastanka sa članovima Vijeća za sigurnost saobraćaja na cestama u Kantonu Sarajevo, a shodno zaključku sa sastanka sa Premijerom Kantona Sarajevo od 29.07.2025. godine u cilju funkcionalnosti Vijeća i koordinacije aktivnosti koje provodi Ministarstvo unutrašnjih poslova Kantona Sarajevo u području sigurnosti saobraćaja.

Kada je riječ o Strategiji o sigurnosti saobraćaja na cestama u Kantonu Sarajevo, obavještavamo Vas da je Vlada Kantona Sarajevo na sjednici održanoj dana 11.06.2025. godine donijela Zaključak kojim se utvrđuje Prijedlog Strategije sigurnosti cestovnog saobraćaja za područje Kantona Sarajevo za period 2025-2034. godine. Nakon donošenja naprijed navedenog Zaključka, materijal je upućen prema Skupštini Kantona Sarajevo, međutim isti još uvijek nije razmatran.

S poštovanjem,

Dostaviti:

1. Naslovu
2. Stručna služba Vlade
3. Evidenciji
4. a/a



POVLAŠTENJU MINISTRA
PO MOĆNIK MINISTRA

Tarik Bašović



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, Fax: + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba